



西安府志卷第五十一

大事志

唐

天文志五月丙午填星白辰星聚于東井

冊府元龜七月京師慶雲見

冊府元龜新豐縣鸚鵡谷水清代傳云此水清天下平開

皇初暫清尋濁至是復清

兵志始制軍府以驃騎車騎兩將軍府領之析關中爲十

二道萬年長安富平醴泉居其四

按兵志三年更以萬年道爲參旗軍長安道爲鼓旗軍

富平道爲元戈軍醴泉道爲并鉞軍軍置將副各一人

西安府志卷五十一

以督耕戰以車騎府統之旋廢十二年改驃騎曰統軍

車騎曰副將

兵志天子禁軍者南北衙兵也南衙諸衛兵北衙者禁軍

初高祖以義兵起太原已定天下悉罷遣歸其願留宿衛

者三萬人高祖以渭北白渠旁民棄腴田分給之號元從

禁軍後老不任事以其子弟代謂之父子軍

百官志殿中侍御史九人京畿諸州兵皆隸焉三輔及近

畿州都督府皆置府

通鑑初羌豪旁舍地以所部附薛舉及薛仁果敗舍地來

降留長安舍地不樂率其衆數千叛入長安南山自南山

諸谷出漢川所過殺掠



冊府元龜胡賊八千人掠涇陽王師仁爲討捕使擊走之  
冊府元龜賊帥呂寶生衆七千人破盩厔縣趙欽爲驃騎  
擊之斬首百餘級

高祖紀十二月如周氏陂

按已上事並在武德元年

王文志三月丙申填星太白聚于東井

高祖紀二月乙卯左屯衛將軍何潘仁及山賊張子惠戰  
于司竹死之庚申驍騎將軍趙欽王婆羅及山賊戰于盩  
厔死之

冊府元龜司竹羣盜祝山海有衆一千自稱護卿公太子  
建成率將軍桑顯和進擊平之

嬰府志卷五十一

二

五行志十月乙未京師地震

按已上事並在武德二年

高祖紀閏月乙卯如稷州己未幸營壑壬戌獵于好畤乙  
丑獵于九巖丁卯獵于仲山戊辰獵于清水谷遂幸三原  
辛未如周氏陂舊書蘇世長傳世長拜諫議大夫從幸涇  
陽校獵大獲禽獸于旌門高祖謂朝臣曰今日畋樂乎世  
長曰陛下遊獵薄廢萬幾不滿十旬未爲大樂高祖色變  
旣而笑曰狂態發耶世長曰爲臣私計則狂爲陛下國川  
則忠矣

李神通傳杜伏威遣將討子通子通窮乃降並樂伯通送  
京師及伏威來朝子通語伯通曰東有未平而伏威來

故兵多在江外若收之可建大功皆亡及藍田爲關吏所獲並伏誅

按已上事並在武德四年

通鑑爲秦王世民營宏義宮使居之

冊府元龜十一月丙申幸宜州癸卯校獵於富平北原

按已上事並在武德五年

冊府元龜二月庚戌幸溫湯戊午校獵于驪山獲白鹿三月乙未幸昆明池宴從官極歡而罷

按事在武德六年

冊府元龜閏四月萬年縣甘露降

高祖紀十月辛未獵于鄂癸酉幸終南山丙子謁樓觀老

西安府志卷五十一

三

子庚寅獵于圍川

冊府元龜十月幸樓觀以太牢祭隋文帝陵十二月丁卯幸躍龍宮戊辰校獵于高陵

按已上事並在武德七年

高祖紀四月甲申幸鄂縣獵于甘谷作太和宮六月甲子如太和宮十月辛巳幸周氏陂校獵于北原壬午如躍龍宮十一月辛卯如宜州校獵于西原庚子講武于同官

按事在武德八年

冊府元龜四月甘露降于中華殿

天文志五月己卯歲星辰星會于東井

冊府元龜涇陽縣生嘉禾異畝同穎

突厥傳頡利自將十萬襲武功京師戒嚴攻高陵尉遲敬德與戰涇陽獲俟斤烏沒斃斬首千餘級頡利遣謀臣執失思力入朝以覘我帝不如禮遣之乃馳騎幸渭上與可汗隔水語且責其負約俄而衆軍至虜大駭請和許之翌日刑白馬與頡利盟便橋上突厥引還隋唐嘉話突厥至渭水橋控弦四十萬太宗召衛公問策時發諸州軍未到長安兵不過數萬靖請傾府庫賂以求和潛軍邀其歸路帝從之兵退據隘邀之胡棄老弱而遁玉帛無所遺

按已上事並在武德九年

冊府元龜閏三月甘露降于長安縣

按事在貞觀元年

西府志卷五十一

四

高祖紀三月庚寅幸昆明池習水戰丙午如周氏陂

五行志京畿旱蝗太宗在苑中撥蝗祝曰人以穀爲命百姓有過在予一人但當食我毋害百姓遂吞之是歲蝗不爲災

按事在貞觀二年

冊府元龜四月甘露降于雍州

按事在貞觀三年

五行志正月癸巳武德殿北院火

冊府元龜二月己亥幸溫湯賜從官帛有差十二月甲辰狩于鹿苑見野人多藍縷遣侍中王珪賑賜貧人

冊府元龜四月甘露降于萬年縣

按已上事並在貞觀四年

冊府元龜正月癸酉大蒐于昆明池蕃夷君長咸從帝謂高昌王麴文泰曰丈夫在世樂事有三天下太平家給人足一樂也草淺獸肥以禮田狩弓不虛發箭不妄中二樂也六合大同萬方咸寧張樂高宴上下歡洽三樂也今日王可從禽明當歡讌耳丙子親獻禽于太安宮十二月壬寅幸溫湯癸卯獵驪山賜新豐高年帛

按事在貞觀五年

五行志十月乙丑京師地震

按事在貞觀六年

太宗紀十二月甲寅幸芙蓉園丙辰獵于少陵原

西安府志卷五十一

五

通鑑戊午從上皇置酒故漢未央宮上皇命突厥頡利可汗起舞又命南蠻酋長馮智戴詠詩既而笑曰胡越一家自古未有也帝奉觴上壽曰今四夷入臣皆陛下教誨非臣智力所及昔漢高祖亦從太上皇置酒此宮妄自矜大臣所不取也上皇大悅殿上皆呼萬歲

按已上事並在貞觀七年

通鑑上屢請上皇避暑九成宮上皇以隋文帝終于彼惡之十月營永安宮爲上皇清暑之所未成而上皇病不果居十二月丁卯從太上皇閱武于城西

按事在貞觀八年

兵志更號統軍爲折衝都尉別將爲果毅都尉諸府總曰

折衝關內道二百六十有一皆以隸諸衛

兵志禁軍太宗擇善射者百人爲二番於北門長上曰百騎又置北衙七營選材力驍壯月以一營番上

按事在貞觀十年

五行志四月甲子雷震乾元殿前槐樹

冊府元龜五月麟見京師之後苑

按已上事並在貞觀十一年

兵志始置左右屯營於元武門領以諸衛將軍號飛騎

地理志京兆府有府百三十一曰眞化匡道水衙仲山新

城竇泉善信鳳神安業平香太清

餘皆逆

唐六典貞觀初凡關內團結兵京兆府六千三百二十七

八

編遺錄畿內有八鎮兵隸左右神策軍

按已上事並在貞觀十二年

太宗紀正月乙巳拜獻陵賜宿衛陵邑郎將三原令蔚一級

太宗紀十二月壬辰獵于咸陽癸巳至自咸陽

按已上事並在貞觀十三年

太宗紀二月壬午幸温湯

冊府元龜七月白龍見于富平

通鑑上將幸同州校獵劉仁軌爲櫟陽丞上言今大稔民收穫者十纔一二使之共承獵事治道葺橋動費一二萬

功實勤農事願少留蠶興旬日俟其畢務則公私俱濟  
賜璽書嘉納之

冊府元龜十二月壬辰臘校獵于樊川遇大雪其夜解圍

按已上事並在貞觀十四年

冊府元龜三月乙酉安禮門御榻產芝五莖

按事在貞觀十五年

通鑑十二月癸卯幸温湯甲辰獵于驪山上登山見圍有  
斷處顧謂左右曰吾見其不整而不刑則墮軍法刑之則  
是吾登高臨下以求人之過也乃託道險引轡入谷以避  
之

王按事在貞觀十六年

西安府志卷五十一

七

玉海芝草生于太廟一十四莖爲龍鳳形

五行志四月立晉王爲太子有青氣繞東宮殿

天文志四月己卯朔日有食之在東井十六度

太宗紀十二月庚申幸温湯

按已上事並在貞觀十七年

冊府元龜正月乙未幸鍾官城庚子幸鄠縣壬寅幸温湯

二月己酉幸靈口村落偏側問其受田丁三十畝遂夜分

而寢憂其不給詔雍州錄尤少田者並給復移之于寬鄉

天文志五月太白辰星會于東井六月丙辰復會

按已上事在貞觀十八年

通鑑庚午車駕至涇陽壬申幸漢甘泉宮

按事在貞觀二十年

舊唐書太宗紀夏四月乙丑營太和宮于終南改爲翠微宮五月戊子幸翠微宮通鑑冀州進士張昌齡獻頌上命於通事舍人裏供奉

按事在貞觀二十一年

冊府元龜正月戊戌幸溫湯癸卯御製溫湯碑以示羣臣太宗賢妃徐惠傳貞觀末稍治宮室百姓勞怨惠上疏極諫言翠微玉華等宮雖因山籍水無築構之苦而工力和儉不謂無煩帝善之

按事在貞觀二十二年

五行志三月甲弩庫火

西安府志卷五十一

八

太宗紀四月乙亥幸翠微宮

按已上事並在貞觀二十三年

高宗紀十月庚子幸溫泉

按事在永徽四年

高宗紀十月癸卯築京師羅郭起觀于九門

按事在永徽五年

高宗紀正月壬申拜昭陵陵所宿衛進爵一級癸酉以少牢祭陪葬者

按事在永徽六年

天文志五月甲子晦日有食之在東井二十七度

按事在龍朔元年

通鑑四月辛巳作蓬萊宮高宗紀十月丁酉幸溫湯皇太子監國

按事在龍朔二年

冊府元龜十二月詔以含元殿前琅臺閣內並見麟改來年爲麟德元年

按事在龍朔三年

五行志六月戊申朔日食在東井二十九度

按事在總章二年

天文志六月壬寅朔日有食之在東井十八度

按事在咸亨元年

天文志七月丁亥彗星見于東井長二丈掃中台指文昌

西安府志卷五十一

九

按事在上元三年

冊府元龜正月庚辰幸司竹園

按事在儀鳳元年

高宗紀正月庚辰京師地震

按事在儀鳳二年

五行志京城民謠有側堂堂撓堂堂之謠太常丞李嗣真曰側者不正撓者不安再言堂者唐再受命之象

按事在調露初年

五行志長安獲女魃長尺有二寸其狀恠異是歲秋不雨至于明年九月

按事在永隆初年

五行志九月乙巳新豐縣大風雨有山崩出高二十五  
池屬三百畝池中有龍鳳之形禾麥之異武后名曰慶山  
俞文俊上言天氣不和而寒暑隔人氣不和而贅疣生地  
氣不和而堆阜出今陛下以女主居陽位反異剛柔故地  
氣隔塞山變爲災后怒流于嶺南

按事在垂拱二年

五見各  
山卷

武后紀七月乙亥京師地震

按事在垂拱三年又四年七月戊午復震

天文志六月朔日有食之在東井二十七度

按事在垂拱四年

五行志正月丙申明堂火太后欲避正殿徹宰相姚璹以

西梁府志卷五十一

十

爲火因人非天災不貶損后乃御端門觀酺引建章故事  
復作明堂以厭之是歲內庫災燔二百餘區

按事在證聖元年

冊府元龜十二月甲午辛新豐温湯庚子幸兵部尚書韋  
嗣立莊舍隋唐嘉話中宗與韋后幸嗣立莊封道遙公又  
改其居鳳凰原爲清虛原鸚鵡谷爲幽栖谷

按事在景龍三年

通鑑上幸隆慶池

按事在景龍三年

玉海十月己巳冊皇太子是日有景雲之瑞遂改元

按事在景雲元年

高祖紀三月景辰雨常服入新都五月乙巳梁太子瑒來賀遷都

高祖紀九月壬子幸城東觀稼穀

按已上事並在開皇三年

高祖紀正月壬申梁王蕭歸來朝二月乙巳上餞梁王於灞上九月乙丑幸灞水觀漕渠賜督役者帛各有差

按事在開皇四年

高祖紀二月壬申車駕幸醴泉宮

按事在開皇七年

高祖紀十月命晉王廣秦王俊清河公素皆爲行軍元帥伐陳十一月丁卯車駕餞師乙亥行幸定城

按述征記定城去長安三

西府卷五十

十陳師警衆

按事在開皇八年

冊府元龜四月己亥幸驪山勞旋師也

按事在開皇九年

高祖紀七月壬戌幸昆明池八月乙亥幸龍首池

按事在開皇十二年

高祖紀七月丁巳幸昆明池

按事在開皇十三年

文帝紀五月辛酉京師地震

按事在開皇十四年

高祖紀收天下兵器敢有私造者坐之關中不在其例

高祖紀十一月辛酉幸溫湯

按已上事並在開皇十五年

高祖紀正月癸亥朔有盜數十人皆素冠練衣焚香持華  
自稱彌勒佛入自建國門監門者皆稽首既而奪衛士仗  
將爲亂齊王暕遇而斬之於是都下大索與相連坐者千  
餘家

煬帝紀三月丁丑發丁男十萬城大興

按已上事並在大業六年

五行志顯陽門災舊名廣楊則帝之姓名也

按事在大業十二年

唐書高祖紀高祖從父弟神通起兵於鄠柴氏婦高祖女

西宴府志卷五十

主

也亦起兵於司竹

按隋書圖  
在整屋

與世民會因略定鄠杜壬申

高祖次馮翊乙亥隴西公建成自新豐趨灞上丙子高祖

自下邳以西所經隋行宮築苑悉罷之出宮女還其家舊

唐書平陽公主傳義兵將起公主與柴紹並在長安遣使

召之紹行公主歸鄠縣莊所遂散家資招引山中亡命得

數百人起兵以應高祖時有胡賊何潘仁聚衆於司竹園

自稱總管未有所屬公主遣家僮馬三寶說以利害潘仁

攻鄠縣陷之時京師畱守頗遣軍討公主屢挫其鋒公主

略地至整屋武功始平皆下之得兵七萬人及高祖義軍

渡河遣紹將數百騎趣華陰傍南山以迎公主公主領精

兵與太宗軍會於渭北與紹各置幕府號娘子軍

其臂爲二籍羽林兵部分掌之

按事在開元十二年

兵志始以曠騎分隸十二衛總十二萬爲六番每衛萬人  
京兆曠騎凡六萬六千人

按事在開元十三年

玉海億歲殿生芝草

按事在開元十五年

冊府元龜三月京兆府三原浪井出

按事在開元十六年

百家繪開元中含元殿火基下出丹堊有隱語不可解言  
天漢三年赤元生粟水下有子傷心過酷

西安府志卷五十一

三

五行志四月乙亥大風震電藍田山摧百餘步

冊府元龜五月有靈芝草產于太廟殿柱

元宗紀十一月丙申拜橋陵戊戌拜定陵己亥拜獻陵壬  
寅拜昭陵乙巳拜乾陵百孔六帖時有事五陵有司以鷹  
犬從姚崇子奕曰非禮奏罷之元宗紀十二月辛酉幸溫  
泉宮

按已上事並在開元十七年

元宗紀四月乙卯築京師外郭

按事在開元十八年

元宗紀正月丁巳幸溫泉宮

按事在開元二十年又是年十月庚戌復幸

冊府元龜十二月命十道採訪使舉賢刺史縣令以襄陽府高陵縣令裴迴盤屋縣令戴休璇奉先縣令李知止涇陽縣令韋伯祥等聞上降書宣慰刺史賜帛八十四縣令五十匹勅曰卿等各能用心副朕所委令茲歲會風政有歸是用激揚以勵清操

按事在開元二十三年

元宗紀十月戊申京師地震

通鑑醴泉妖人劉志誠作亂驅掠路人將趣咸陽村民走縣官焚橋斷路以拒數日悉擒斬之

按已上事並在開元二十四年

冊府元龜十一月壬申幸溫泉宮

西安府志卷五十一

十四

按事在開元二十五年又二十六年十月戊寅二十七年十月丙寅二十八年正月癸巳並幸溫泉宮

五行志三月癸巳京師地震

按事在開元二十六年

文獻通考五月帝謂宰臣曰朕在藩邸有宅在積善里東南隅宜于此地置元元皇帝廟及崇元學

元宗紀十月甲子幸溫泉宮

按已上事並在開元二十八年

元宗紀正月癸巳幸溫泉宮

文獻通考四月上夢元元皇帝云吾像在京城西南百餘里遣使求得之于蓋屋迎置興慶宮

玉海六月甘露降司農寺

元宗紀十月丙申幸溫泉宮

按已上事並在開元二十九年

元宗紀正月陳王府參軍田國秀言元元皇帝降于丹鳳門通衢二月辛卯享元元皇帝于新廟

元宗紀十月丁酉幸溫泉宮

按已上事並在天寶元年

元宗紀正月己卯作昇仙宮丙辰加號元元皇帝曰大聖祖三月壬子享于元元宮改元元宮曰太清宮

元宗紀十月戊寅幸溫泉宮

按已上事並在天寶二年又三載正月辛丑十月甲午

要府志卷五十一

五

四載十月戊戌五載十月戊戌並幸溫泉宮

冊府元龜二月癸酉興慶宮芝草生八月京兆新豐嘉禾  
三或九穗六穗

按事在天寶三載

通鑑十月幸驪山改溫泉宮曰華清宮房琯傳環宮所置百司區署以琯資機算詔總經度疏巖剔藪爲天子遊觀通鑑十二月壬戌發爲翊華陰民夫築會昌城置百司王公各置第舍土畝直千金元和志自開元來每歲十月臨幸溫泉歲盡乃歸以新豐去泉稍遠卽于湯所置會昌縣百孔六帖諸楊湯沐館並在華清東垣連蔓相照帝臨幸

述編五家

按已上事並在天寶六載又按帝此後每歲十月並幸華清次年春首還宮不復綴錄

會昌解頤錄元宗幸溫泉見白鹿升天改會昌縣爲昭應  
按事在天寶七載

元宗紀六月丙寅謁太清宮加上元元皇帝號曰聖祖大道元元皇帝冊府元龜太白山人李渾上言神人言金星洞內有版石記聖皇福壽之符命御史中丞王拱入仙遊谷獲之以獻帝御勤政樓受焉

冊府元龜六月大同殿產芝一莖  
按已上事並在天寶八載

冊府元龜三月獻陵昭陵乾陵定陵橋陵栢樹盡垂甘露  
西安府志卷五十一  
十一

冊府元龜十月改驪山爲昌山又太白山人王元翼上言元元皇帝降見言寶仙洞中有妙寶眞符詔刑部尙書王倕等獲之次年正月獻于太清宮

按已上事並在天寶九載  
冊府元龜十月乙丑御朝元閣有慶雲見

按事在天寶十載

通鑑京兆人王拱權寵日盛領二十餘使拱弟戶部郎中錡凶險不法名術士任海川問我有王者相否海川懼亡匿拱恐事洩捕得杖殺之王府司馬韋會話之私庭拱又使長安尉收會縊殺之錡所善邢緯與龍武萬騎謀作亂上使拱捕之緯帥其党格鬪會高力士軍至擊斬緯國忠

白上曰鉞必預謀會陳希烈極言鉞大逆當誅勅希烈與國忠鞠之於是任海川韋會等事皆發獄具鉞賜自盡錁杖死于朝堂

按事在天寶十一載

通鑑楊國忠號國夫人居第相鄰晝夜往來無復期度或並轡走馬入朝不施障幕道路掩目三夫人將從幸華清宮會于國忠第車馬僕從充溢數坊錦繡珠玉鮮華奪目國忠謂客曰吾本寒家一旦緣椒房至此未知稅駕之所然終不能致令名不若且極樂耳上在華清欲夜出遊龍武大將軍陳元禮諫曰官外卽曠野安可不備不虞上爲引還

按事在天寶十二載

天文志六月乙丑朔日有食之幾旣在東井十九度

按事在天寶十三載

天文志二月熒惑太白鬥于井鬼間

冊府元龜八月己亥中書省五色雲見壬寅京兆府嘉禾生十月癸酉華清宮有石產玉芝

按已上事並在天寶十四載

通鑑祿山反六月哥舒翰敗陷潼關麾下來告急及暮平安火不至名宰相謀之楊國忠首唱幸蜀之策甲午上御勤政樓下制云欲親征聞者皆莫之信以崔光遠爲京兆尹充西京留守旣夕命龍武大將軍陳元禮整比六軍乙

未黎明上獨與貴妃姊妹皇子妃主皇孫及親近宦官宮人出延秋門妃主皇孫之在外者皆委之而去上過便橋楊國忠使人焚橋上曰士庶各避賊求生奈何絕其路留高力士使撲滅乃來至咸陽日向中上猶未食民爭獻糲飯雜以麥豆皇孫輩爭以手掬食之須臾而盡有老父郭從謹進曰祿山包藏禍心固非一日有告其謀者陛下往往誅之在廷之臣以言爲諱草野之人知有今日久矣但九重嚴邃區區之心無路上達事不至此臣何由得覩陛下之面而訴之乎上曰朕之不明悔無所及慰諭遣之命軍士散村落求食夜將半乃至金城縣令亦逃縣民皆走驛中無燈人相枕籍而寢貴賤無以復辨

西安府志卷五十一

六

通鑑丁酉至馬嵬驛將士饑疲皆憤怒陳元禮以禍由楊國忠欲誅之會吐蕃使者二十餘人遮國忠馬訴以無食軍士呼曰國忠與虜謀反追殺之以槍揭其首于驛門外並殺韓國秦國夫人上聞誼譁杖屨出驛門慰勞令收隊軍士不應上使高力士問之元禮對曰國忠謀反貴妃不宜供奉願陛下割恩上入門倚杖傾首而立久之高力士曰貴妃誠無罪然將士已殺國忠而貴妃在陛下左右豈敢自安願陛下審思之將士安則陛下安矣乃命力士引貴妃于佛堂縊殺之于是始整部伍爲行計國忠妻子及虢國夫人走陳倉縣令薛景仙誅之韋諤傳諤歷京兆府司錄參軍國忠死軍聚不解陳元禮請殺貴妃以安衆帝

意猶豫諤曰臣聞以計勝色者昌以色勝計者亡今宗社震驚陛下棄神器奔草莽唯割恩以安社稷因叩頭流血帝悟賜貴妃死軍乃大悅擢諤御史中丞爲置頓使乘輿將行帝心向蜀未言諤曰今兵少不能捍賊還京非萬全計不如至扶風徐圖去就帝問于衆衆然之乃決西幸通鑑戊戌發馬嵬父老遮道請留上令太子宣慰父老父老曰至尊旣不肯留某等願帥子弟從殿下東破賊取長安若殿下與至尊皆入蜀中原百姓誰爲之主須臾衆至數千人太子馬不得行上總轡待太子不至使人偵之還白狀上曰天也乃分後軍及飛龍廐馬從太子又使送東宮內人于太子承天皇帝倓傳承天皇帝倓英毅有才畧

祿山亂典親兵扈車駕渡渭百姓遮道留太子太子使喻曰至尊播遷吾可以違左右乎倓進說曰逆胡亂常四海崩分不因人情圖興復雖欲從上入蜀而散關以東非國家有夫大孝莫若安社稷殿下當募豪傑趨河西收牧馬今防邊屯士不下十萬而光弼子儀全軍在河朔與謀興復策之上者廣平王俶亦贊之于是議定太子北過渭兵仗濫惡士氣崩沮日數十戰倓以驍騎數百從每接戰常身先血殷袂不告也冊府元龜元宗幸蜀李輔國侍太子扈從至馬嵬乃獻計分兵北如朔方以圖興復

安祿山傳祿山遣孫孝哲安神威西攻長安賊不謂天子能遽去駐兵潼關十日乃西時行在已至扶風于是汧隴

以東皆沒于賊祿山未至長安士民皆逃入山谷宮嬪數  
匿行哭將相第家委寶貨不貲羣不逞爭取之又剽左藏  
大盈庫百司帑藏竭乃火其餘祿山至怒乃大索三日民  
間財貨盡掠之府縣因株根牽連旬剝苛急百姓愈騷祿  
山怨慶宗死乃取帝近屬自霍國長公主諸王妃妾孀孫  
姻婿等百餘人害之以祭慶宗群臣從天子者誅滅其宗  
御下少恩雖腹心雅故皆爲仇敵相與殺守將迎王師前  
後反覆十數城邑墟矣長安相傳太子西來人聞輒東走  
闕里至空都畿豪傑殺賊吏自歸者無虛日賊斬刈懲之  
不能止又賊將類慄勇無遠謀日縱酒嗜聲色財利車駕  
入蜀終無追躡之患

西安府志卷五十一

三

冊府元龜房瑄至德初抗疏自請將兵以誅寇孽收復京  
師肅宗許之詔加持節招討西京兼防禦蒲潼兩關兵馬  
元帥王思禮副之

房瑄傳十月庚子次便橋辛丑中軍北軍遇賊陳濤斜戰  
不利瑄欲持重有所伺中人刑延恩促戰癸卯率南軍復  
戰遂大敗初瑄用春秋時戰法以車二千乘繚營騎步夾  
之旣戰賊乘風譟牛悉髀栗賊投芻而火之人畜焚燒殺  
卒四萬血丹原野殘衆纔數千不能軍瑄還走行在見帝  
肉袒請罪帝宥之

按已上事並在天寶十五載

冊府元龜肅宗卽位十一月辛未長安雲氣如衣冠備具

太史奏天下和平之象

天文志四月壬寅歲星熒惑太白辰星聚于鶉首

郭子儀傳子儀詔還鳳翔進司空充關內河東兵馬副元帥率師趨長安次漏水上安守忠等軍清渠左大戰王師不利委杖奔于儀收潰卒保武功舊書僕固懷恩傳子儀赴鳳翔李歸仁以勁卒五千邀之三原北于儀使懷恩及王昇陳廻光等伏兵于白渠留運橋以待之伏發歸仁敗走又從子儀戰于清渠不利

通鑑將軍王去榮以私怨殺本縣令當死上以其善用礮勅免死以白衣于陝郡郊力賈至傳王去榮殺富平令杜徽詔貸死至諫曰聖人誅亂必先示法令崇禮義將軍去

西要府志卷五十一

三

榮以朔方偏裨提數千士不能整行列挾私怨殺縣令有犯上之逆若謂新下非去榮不可守是以一能而免死彼弧矢絕倫劍術無前者恃能犯上何以止之若捨去榮誅將來是法不一而招罪人也律令者太宗之律令陛下不可以一士小材廢祖宗大法帝詔羣臣議韋見素崔器等皆以爲法者天地大典王者不敢專也開元以前無敢專殺尊朝廷也今有之是弱國家也太宗定天下陛下復鴻業則去榮非至德罪人乃貞觀罪人也其罪祖宗所不赦

陛下

肅宗紀閏八月安慶緒寇好時渭北節度使李光進敗之代宗紀至德二載九月以廣平郡王爲天下兵馬元帥率

朔方安西回紇南蠻大食等兵二十萬以進討百官送于朝堂過闕而下步出木馬門然後復騎以安西北庭行營節度使李嗣業爲前軍朔方河西隴右行營節度使郭子儀爲中軍關內行營節度使王思禮爲後軍屯于香積寺敗賊將安守忠斬首六萬級賊將張通儒守長安聞守忠敗棄城走遂克京城乃留思禮屯于苑中代宗率大軍以東李嗣業傳嗣業屯香積寺賊酋李歸仁擁精騎薄戰王師注矢逐之走未及營賊大出掩追騎還蹂王師于是亂不能陣嗣業謂子儀曰今日不蹈萬死取一生則軍無類矣卽袒持長刀大呼出陣前殺數十人陣復整步卒二千以陷刀長柯斧堵進所向無前歸仁匿兵覘左營軍勢廣

西安府志卷五十一

三

平王分回紇銳兵擊其伏嗣業出賊背合攻之是日中至辰斬首六萬餘級填澗壑死幾半賊東走遂平長安郭子儀傳子儀從元帥廣平王率蕃漢兵十五萬收長安李嗣業爲先軍元帥爲中軍子儀副之王思禮爲後軍陣香積寺北距澧水臨大川彌亘一舍賊李歸仁領勁騎薄戰官軍驚嗣業以長刀突出斬賊數千騎乃定回紇以騎兵縹賊背夾攻大敗之賊帥張通儒夜亡翌日王入京師老幼夾道呼曰不圖今日復見官軍王休士三日遂東

舊書肅宗紀九月癸卯收西京甲辰捷書至行在百僚稱賀卽日告捷于蜀上皇遣裴冕入京啓告郊廟社稷十月癸亥上自鳳翔還京遣太子太師韋見素入蜀迎上皇丙

寅至望賢宮丁卯入長安士庶涕泣拜忭上亦爲之感  
時九廟爲賊所焚上素服哭于廟三日入居大明宮是日  
上皇發蜀文武裔從官免冠徒跣朝堂待罪禁之府獄令  
中丞崔器劾之

舊書肅宗紀上至望賢宮奉迎上皇御宮南樓上望樓辟  
易下馬趨進蹈舞稱慶上皇下樓遂扶持御殿親自進食  
自御馬以進上皇又躬攬轡而行止之而後退上乘馬前  
導自開元門至丹鳳門旗幟燭天綵棚夾道士庶舞忭路  
側曰不圖今日再見二聖百僚班于含元殿上皇御殿左  
相百辟稱賀畢上皇詣長樂殿詣九廟主卽日幸興慶宮  
上請歸東宮上皇遣高力士再三警諭而止

西府志卷五十一

三

兵志置左右神武軍補元從扈從官子弟不足則取他色  
帶品者同四軍亦曰神武天騎制如羽林總曰北衙六軍  
又擇便騎射者置衙前射生千人分左右廂總號曰左右  
英武軍

按已上事並在至德二載

玉海太廟殿院北門內柱生芝草

按事在乾元元年

冊府元龜十一月丙寅明鳳門有慶雲自門杆上起盤旋  
紛郁光彩明耀

按事在乾元三年

通鑑十二月丙子党項寇美原同官大掠而去

按事在上元元年

玉海七月甲辰延英殿御坐梁上生玉芝一莖三花

按事在上元二年

冊府元龜四月己巳卽位其日有慶雲見初帝至飛龍廡座前有紫雲見雲中有三白鶴徊翔

五行志十二月己酉大府左藏庫火

冊府元龜勅駱谷子午等路往來行客所將隨身器仗等今日已後除郎官御史諸州部統進奉事官任將器仗隨身自餘私客等皆須過所上具所將器仗色目然後放過如過所上不具所將器仗色目數者一切於守堤處勒留按已上事並在寶應元年

西安府志卷五十一

詒

舊書肅宗紀十月辛未吐蕃犯京畿寇奉天蓋屋等縣自司竹園渡渭循南山而東郭子儀傳吐蕃陷涇州虜刺史高暉暉引賊深入京畿渭北行營兵馬使呂日將逆戰于蓋屋自辰至酉殺蕃軍數千賊將逼京師君上計無所出詔子儀爲關內副元帥出鎮咸陽子儀至咸陽蕃軍已過渭水其日天子避狄幸陝州子儀雪涕還京至則車駕已發射生將王獻忠從駕沿路以四百騎叛仍逼豐王以下十王欲投于賊子儀入開遠門遇之詰豐王等所向遂接送行在

吐蕃傳子儀退趨商州高暉導虜入長安立廣武王承宏爲帝改元擅作赦令署官吏衣冠皆南奔荆襄或遁棲山

谷亂兵因相攘鈔道路梗閉光祿卿殷仲卿率千人壁藍田選二百騎度漣或紿虜曰郭令公軍且來吐蕃大震會少將王甫與惡少年伐鼓譟苑中虜驚夜引去子儀入長安高暉東奔至潼關守將李日越殺之吐蕃留京師十五日乃走舊書郭子儀傳子儀遣六軍兵馬使張知節烏崇福羽林軍使長孫全緒等將兵萬人爲前鋒營于韓公堆盛張旗幟鼓鞞震山谷全緒遣禁軍舊將王甫入長安陰結少年豪俠以爲內應一日齊擊鼓于朱雀街蕃軍惶駭而去大將李忠義先屯兵苑中渭北節度使王仲升守朝堂子儀以大軍續進至漣西射生將王撫自署爲京兆尹聚兵二千人擾亂京城子儀殺之詔子儀權京城留守

郭子儀傳子儀爲京城留守程元振說帝都洛陽子儀奏曰雍州古稱天府右隴蜀左崑崙襟滙終南太華之險背負清渭濁河之固地方數千里帶甲十餘萬兵強士勇真用武之國秦漢所以成帝業也故高祖先入關定天下先帝興朔方誅慶緒陛下席西土戮朝義雖天道助順亦地勢則然比吐蕃憑陵而不能抗者臣能言其畧夫六軍皆市井人竄虛名逃實賦一旦驅以就戰有百奔無一前又宦豎掩迷庶政荒奪遂令陛下徬徨暴露越在陝服斯委任失人豈秦地非良哉今咸謂且都洛陽洛陽自大盜以來焚埃畧盡百曹榛荒寰服不滿千戶井邑如墟豺狼羣嗥千里蕭條亭舍不烟何以奉萬乘牲餼供百官次舍哉

且地狹阨裁數百里險不足防適爲鬪場陛下意者不以  
京畿新罹剽蹂國用不足乎臣願陛下斥素餐去冗食抑  
閹寺任直臣薄征弛役郵隱撫鰥委宰相以簡賢任能付  
臣以訓兵禦侮則中興之功日月可冀惟時邁亟還見宗  
廟謁園陵再造王家以幸天下帝得奏泣謂左右曰子儀  
固社稷臣也朕西決矣乘輿還子儀頓首請罪帝勞曰用  
卿晚故至此乃賜鐵券圖形凌煙閣

通鑑築城于鄆縣及中涓橋屯兵以備吐蕃以駱奉先爲  
鄆縣築城使遂將其兵

冊府元龜吐蕃盜入長安廣武王承宏竊尊號及鑿輿還  
京師放廣武王于華州一切不問

按已上事並在廣德元年

李抱玉傳吐蕃入寇羣盜徧南山五谷間東拒虢西抵岐  
惟剽不勝計詔太子賓客謝景仙爲南山五溪谷防禦使  
引兵招捕久不克更詔抱玉討賊抱玉盡得賊株柢遂分  
兵守諸谷使牙將李崇客精騎四百襲之賊帥高玉脫身  
走城固山南西道張獻誠擒以獻悉索支党斬之不閱旬  
五谷平

按事在廣德二年

錢宗紀二月戊寅党項羌寇富平焚定陵寢殿

郭子儀傳懷恩說吐蕃回紇党項羌渾刺奴等三十萬掠  
涇邠蹂鳳翔入醴泉奉天京師大震于是帝命李忠臣屯

東渭橋李光進屯雲陽馬璘郝廷玉屯便橋李抱玉屯鳳翔周智光屯同州杜冕屯坊州天子自將屯苑中急召子儀屯涇陽

代宗紀十月辛酉吐蕃寇奉天乙丑寇興平丁卯回紇党項羌請降郭子儀傳子儀屯涇陽軍纔萬人虜騎圍已合乃使李國臣高昇魏楚玉陳回光朱元琮各當一面身自率鎧騎二千出入陣中回紇怪問是爲誰報曰郭令公驚曰郭令公存乎懷恩言天可汗棄天下令公卽世中國無主故我從以來公今存天可汗存乎曰天子萬壽回紇悟曰彼欺我乎子儀使諭虜曰昔回紇涉萬里戡大憝助復二京我與若等休戚同之今乃棄舊好助叛臣一何愚彼

西夏府志卷五十一

毛

背主棄親於回紇何有回紇曰本謂公云亡不然何以至此今誠存我得見乎子儀將出左右諫戎狄野心不可信子儀曰虜衆數十倍今力不敵吾將示以至誠左右請以五百騎從不聽卽傳呼曰令公來虜皆持滿待子儀以數十騎出免胄見其大酋曰諸君同艱難久矣何忽亡忠義而至是邪回紇舍兵下馬拜曰果吾父也子儀卽召與飲遣錦綵結歡誓好如初因曰吐蕃本吾舅甥國無負而來棄親也馬牛被數百里公等若倒戈乘之若俛取一芥是謂天賜不可失且逐戎得利與我繼好不爾善乎會懷恩暴死無所統一遂許諾吐蕃疑之夜引去舊書回紇傳回紇首領羅達子等率其衆二千餘騎詣涇陽請降子儀許

子儀先執杯合胡祿都督請咒子儀咒曰大唐天子萬萬歲回紇可汗亦萬萬歲若起負心背盟約者身死陣前家口屠戮合胡祿都督等失色及杯至卽譯曰如令公盟約皆喜曰初發本部將巫師兩人來云此行見一大人卽歸巫師信有徵矣郝廷玉傳廷玉累封安邊郡王授神策將軍時與馬璘屯中渭橋魚朝恩聞其善布陣請觀之廷玉申號令鳴鼓角部伍坐作進退若一朝恩嘆曰吾處兵間久今始識訓練法廷玉惻然曰此臨淮王遺法也

冊府元龜七月鄂縣嘉禾生穗長一尺  
按已上事並在永泰元年

玉海太廟二室生芝

西臺府志卷五十一

天

按事在永泰二年

冊府元龜二月壬午幸昆明池從俗踏青也

通鑑魚朝恩奏以先所賜莊爲章敬寺以資章敬太后冥福窮壯極麗毀曲江及華清宮館以給之衛州進士高郢上書曰先太后聖德不必以一寺增輝國家永圖無寧以百姓爲本捨人就寺何福之爲又曰古之明王積善以致福不費財以求福修德以消禍不勞人以穰禍今徇左右之過計傷皇上之大猷臣竊爲陛下惜之不報

舊書代宗紀吐蕃寇邠州詔子儀率師三萬自河中鎮涇陽京師戒嚴戊午移鎮奉天

府元龜十月乙酉禮泉出于櫟陽

五行志十一月壬申京師地震

按已上事並在大歷二年

通鑑上幸章敬寺度僧尼千人

五行志五月丙戌京師地震

會要七月五星聚于東井八月四星復聚井

按已上事並在大歷三年

舊書代宗紀二月丙辰京師地震五月丙戌復震

冊府元龜六月慶雲見于西郊

按已上事並在大歷四年

通鑑二月戊戌李抱玉移鎮蓋屋軍士忿怒大掠鳳翔數日乃定

按事在大歷五年

舊書代宗紀回紇使出鴻臚寺劫掠坊市吏不能禁復以三百騎犯金光朱雀等門是日皇城諸門皆閉遣諭之乃止

按事在大歷七年

冊府元龜京兆府瑞麥生九莖同穎

按事在大歷九年

冊府元龜十一月京兆府甘露降于城內靖恭坊

按事在大歷十二年

大事志

唐

五行志四月己亥京師地震

按事在建中元年又三年六月甲子四年四月甲子五月辛巳俱震

舊書陽惠元傳田悅加兵河上詔移京西戎兵萬二千人備調東帝御望春樓誓師及賜宴諸將列坐酒至神策將士皆不飲帝使問之惠元時爲都將對曰臣初發奉天軍帥張巨濟與臣等約曰斯役也將策大勳建大名凱旋之日當共爲歡苟未捷無以飲酒故臣等不敢違約上降璽

西安府志卷五十二

一

書慰勞

按事在建中二年

天文志六月熒惑太白鬥于京師

兵志詔募兵以白志貞爲使請節度都團練觀察使與世嘗任者家皆出子弟奴馬裝鎧助征授官於是豪富者緣爲幸而貧者苦之

舊書姚令言傳姚令言爲涇原節度使李希烈叛圍襄城甚急十月詔令言率本鎮兵五萬赴援涇士多攜子弟來望京師獲厚賞時詔京兆尹王翊犒軍士惟糲食菜餒軍士覆而不顧曰吾輩將死于難而食且不飽安能以草命擗白刃耶國家瓊林大盈寶貨堆積不取此以自活何往

行至淮水返戈鼓譟而還令言急奏之上令內庫出緡綵二十車馳賜軍聲浩浩令言不能戰居人走竄亂兵呼曰勿走不稅汝間架矣德宗令普王與學士姜公輔往撫勞之纔出內門賊已斬關陣於丹鳳樓下是日倉卒出幸賊縱入府庫輦運極力而止通鑑上與太子諸王公自苑北門出王貴妃以傳國寶繫衣中宦官竇文場霍仙鳴帥宦官左右僅百人以從姜公輔扣馬言曰朱泚嘗爲涇帥坐弟滔之故廢處京師心常怏怏亂兵若奉以爲主則難制矣請召使從行上曰無及矣遂行夜至咸陽飯數匕而過羣臣皆不知乘輿所之白志貞王翊陸贄等追及上于咸陽上思桑道茂之言幸奉天金吾大將軍渾瑊至衆心恃

之稍安白孔六帖德宗幸奉天郭曙方領家兵獵苑北聞蹕至伏謁道左遂從入駱谷杜陽雜編德宗將幸奉天自攜火精劍出內殿因嘆曰千萬年社稷豈爲狗鼠所竊耶遂以劍斫楹上鐵狻猊應手而碎左右皆呼萬歲及乘輿遇夜侍從皆見上仗數尺光明卽火精劍也神異錄德宗欲西幸有知星者奏云逢林卽住帝曰豈欲朕止於林木間耶及奉天尉賈隱林謁行在帝觀隱林氣色雄傑兼是忠烈之家而名叶星者所奏帝因召於臥內以探籌畧之淺深隱林于御榻前以手板畫地陳攻守之策帝甚異之隱林奏曰臣昨夢日墮於地臣以頭戴日上天帝曰朕此來也乃已前定遂拜隱林爲侍御史糾劾行在

舊書姚令言傳太尉朱泚罷鎮居晉昌里第是夜叛卒謀曰朱太尉久囚于宅若迎爲主大事濟矣泚嘗節制涇州又幸泚寬和乃請令言率騎迎泚泚方遲疑旣而諸校齊至乃自第張炬火入居含元殿段秀實傳朱泚反以秀實失兵必恨憤且素有人望使騎往迎秀實與子弟訣而入泚喜曰公來吾事成矣秀實曰將士東征宴賜不豐有司過耳人主何與知公本以忠義聞天下今變起倉卒當論衆以禍福掃清宮室迎乘輿公之職也泚默然秀實知不可乃陽與合朱泚傳朱泚擁徒居白華殿或教以迎天子泚顧望愕然光祿卿源休至請問教以不臣詭稱符命泚悅張光晟李忠臣皆新失職怨望亦勸成之吳澂傳泚反盧杞白志貞皆謂泚有功不宜首難得大臣一人持節慰曉惡且悛德宗顧左右無敢行澂曰陛下不以臣無能願至賊申諭天子至意帝大悅澂退謂人曰吾知死無益而決見賊者人臣食祿死其難所也方危時安得自計卽日齋詔見泚泚業僭逆故留澂客省不遣卒被害

段秀實傳秀實陰結將軍劉海賓姚令言都虞侯何明禮欲圖泚會源休教泚僞迎天子遣將韓旻領銳師三千疾馳奉天秀實以爲宗社之危不容喘遣人諭大吏岐靈岳竊取令言印不獲乃倒用司農印追其兵旻至駱繹得符還秀實謂海賓曰旻之來吾等無遺類我當直搏殺賊然則死乃約事急爲繼而令明禮應于外翌日泚言

許事源休姚令言李忠臣李子平皆在座秀實戎服與休並話至僭位勃然起奪其象笏奮而前唾泚而大罵曰狂賊可磔萬段我豈從汝反耶遂擊之中頰流血鰓面匍匐走賊衆未敢動而海賓等無至者秀實大呼曰我不同反胡不殺我遂遇害海賓明禮靈岳皆繼爲賊害帝在奉天恨用秀實不極才垂涕悔恨

朱泚傳泚大陳旗章金石於廷傳言立宗室王監國士庶競往觀泚僭卽皇帝位于宣德殿號大秦建元應天侍衛皆卒伍諸臣在位者纔十餘逼太常卿樊系爲冊冊成仰藥死文獻通考朱泚僭位長安旣據府庫之富不愛金帛以悅將士公卿家屬在城者皆給月俸神策及六軍從車駕及哥舒曜李晟者皆給其衣糧加以繕完器械日費甚廣及長安平府庫尙有餘蓄見者皆追怨有司之橫歛焉李懷光傳帝狩奉天懷光率所部奔命方雨淖奮厲軍士倍道進自蒲津絕河敗泚軍于醴泉

西安府志卷五十一

四

通鑑汝鄭應援使劉德信在汝州聞難引兵入援與泚衆戰于見子陵破之以東渭橋有轉輸積粟進屯東渭橋李晟傳帝出奉天有詔召晟拜神策行營節度使進臨渭北壁東渭橋通鑑晟聞上幸奉天引兵出飛狐道晝夜兼行自滿津濟軍於東渭橋有卒四千晟善於撫御與士卒同甘苦人樂從之旬月間至萬餘人神策兵馬使尙可孤寒三千人在襄陽自武關入援軍於七盤敗泚將仇敬忠

李元諒傳李元諒爲太子詹事李懷讓節度鎮國署奏以  
自副時兵興倉卒裏闕爲鎧剡蒿爲矢募兵數日至萬餘  
軍氣乃振時尚可孤守藍田元諒屯昭應王權壁中渭橋  
賊兵不能逾渭南

馬燧傳燧遣軍司馬王權以兵五千走奉天又遣子彙與  
諸將子壁中渭橋

綱目李懷光來赴難數與人言盧杞趙贊白志貞之姦佞  
且曰吾見上當誅誅之杞聞之懼言於上曰懷光勳業賊  
徒破膽若使之乘勝取長安此破竹之勢也今聽入朝留  
連累日使賊得成備恐難圖矣上以爲然詔懷光直引軍  
屯便橋與李建徽李晟陽惠元共取長安懷光自以數千  
里赴難咫尺不得見天子意殊快快曰吾今已爲姦臣所  
排遂引兵行

五行志朱泚旣僭號名其舊第曰潛龍宮占者以爲易稱  
潛龍勿用此敗祥也朱泚未敗前兩月有童謠曰一隻筍  
兩頭朱五六月化爲蛆

天文志六月熒惑太白鬥于東井

按已上事並在建中四年

李晟傳李晟壁東渭橋劉德信自扈澗敗歸軍器無制德  
信入謁晟晟責所以敗斬之以數騎入壁勞其軍無敢動  
晟已并兵軍益振李懷光軍咸陽不欲晟當一面請與晟

各有詔徙屯乃引趨陳濤斜與懷光聯軍晟每與賊戰必  
錦裘繡帽自表指顧陣前懷光望見惡之戒曰將務持重  
豈宜自表褻爲賊餌哉晟曰昔在涇原士頗相畏欲令見  
之奪其心爾晟說懷光進兵懷光不納每兵至都城下懷  
光軍多虜掠晟軍整戢懷光使分所獲遺之辭不受李懷  
光傳李懷光屯咸陽李晟會陳濤斜壁壘未具賊大至晟  
說懷光曰賊保宮苑攻之良難今敢離窟穴與公薄戰此  
天以賊賜公也懷光曰吾馬未秣士未飯可遽戰哉晟不  
得已閉壁不出

李晟傳懷光屯咸陽凡八旬帝數促戰以伺賊隙爲言陰  
通朱泚反狀寢露晟懼爲所并上言當先變制備未報會

帝議幸咸陽督戰懷光大駭疑帝奪其軍圖反益急晟與  
李建徽陽惠元皆聯屯適有使者到晟軍晟乃令曰有詔  
徙屯卽結陣趨東渭橋後數日懷光并建徽惠元兵惠元  
死之冊府元龜李懷光異志已萌欲激怒諸軍表論諸軍  
衣糧薄神策本糧厚意在撓沮李晟密奏恐其有變帝憂  
之遣陸贄使懷光宣諭使還奏曰賊泚勢窮援絕引日偷  
生懷光總仗順之軍乘制勝之氣鼓行芟翦易若摧枯乃  
諸帥每欲進取懷光輒沮其謀陛下意在全護委曲聽從  
觀其所爲亦未知感若不別爲規畧終恐變故難測伏望  
以李晟移軍表出付中書勅下依奏別賜懷光手詔示以  
移軍事雖蓄異端何由起怨幸垂裁察德宗初望懷光變

意破賊故晟累奏移軍不許及贄陳懷光反狀乃可晟奏  
遂移軍渭橋而鄜坊節度李建徽神策行營陽惠元猶在  
咸陽贄慮懷光并建徽等軍又奏曰懷光當管師徒足以  
獨制兇寇逗留未進抑有他由所患太彊不資傍助比者  
李晟請移軍就東建徽惠元勢轉孤弱爲其吞噬理在必  
然今因李晟願行便遣合軍同往託言晟兵素少慮爲賊  
所邀籍此兩軍迭爲犄角仍先諭旨密使促裝詔書至營  
卽日進路是謂先人有奪人之心疾雷不及掩耳德宗曰  
卿所料極善然李晟移軍懷光必已惆悵若遣建徽惠元  
就東則足得爲辭且俟旬時晟至東渭橋不旬日懷光果  
得兩節度兵建徽單騎遁而獲免惠元中路被執害之報

至行在人情大恐翌日移幸山南

西安府志卷之三十一

七

綱目詔加懷光太尉賜鐵券遣使諭旨懷光對使者投鐵  
券于地曰人臣反賜鐵券懷光不反今賜鐵券是使之反  
也辭氣甚悖左兵馬使張名振當軍門大呼曰太尉視賊  
不擊待天使不敬果欲反邪懷光曰我不反欲蓄銳以候  
時耳懷光又發卒城咸陽移軍據之名振曰乃者言不反  
今不攻長安殺朱泚取富貴而拔軍此來何邪懷光殺之  
懷光潛與朱泚通謀其養子石演芬遣客詣行在告之事  
覺懷光召演芬責曰我以爾爲子奈何負我死甘心乎演  
芬曰天子以太尉爲股肱太尉以演芬爲腹心太尉旣負  
天子演芬安得不負太尉苟免賊名而死死甘心矣懷光

使左右齎食之皆曰義士也以刀斷其喉而去

李晟傳李懷光既反帝狩梁州自行在遣晟將張少宏口  
詔進晟尙書左僕射同中書門下平章事晟受命拜且泣  
曰京師天下本若皆執羈勒誰將復之乃繕甲兵治陴隍  
以圖收復是時晟提孤軍橫當寇鋒悉二盜合以軋之則  
卑詞厚幣僞致誠于懷光者時敖瘡單慝乃使張彧假京  
兆少尹多署吏調畿內賦不淹旬芻米告具乃陳兵下令  
曰國家多難見危死節自吾之分公等此時不誅元凶取  
富貴非英豪也渭橋斷賊首尾吾欲與公戮力一心建不  
世之功可乎士皆雪泣曰惟公命于是駱元光以華州之  
衆守潼關尙可孤以神策兵保七盤皆受晟節度戴休顏

西安府志卷五十一

八

舉奉天韓游瓌悉邠寧軍從晟懷光始懼奔河中

李懷光傳李懷光奪李建徽陽惠元等軍屯好時其下稍  
稍攜貳泚始憚之至是遂欲臣懷光懷光怒告絕益不安  
乃引兵掠涇陽三原富平遂如河中

舊書德宗紀五月壬辰尙可孤被賊于藍田尙可孤傳可  
孤遷神策京畿渭南商州節度使仇敬復來寇可孤率兵  
擊擒敬斬之遂進軍與副元帥李晟決策攻討可孤之師  
爲先鋒

李晟傳晟引兵叩都門賊不敢出明日會諸將圖所向衆  
對先拔外城然後清宮晟曰外城有里閭之隘若設伏格  
戰居人鬻潰非計也賊重甲精兵聚苑中今直擊之是披

其心腹將圖走不暇諸將曰善乃自東渭橋移壁光泰門以薄都城連溝柵而賊將張廷芝李希倩求戰晟曰賊不出是吾憂也今乃冒死來天誘之矣勒吳銑等縱兵鏖擊賊攻華師急晟以精騎馳救中軍謀而從大破之乘勝入光泰門再戰賊却僵尸相籍餘衆走白華賊大哭終夜不息翌日將復戰或請待西師晟曰賊旣敗當乘機撲殄苟俟西軍是容其爲計豈吾利耶乃悉軍軍光泰門使王佖李演將騎史萬頃將步抵苑北晟先夜墮苑垣爲道二百步比兵至賊已伐木塞以拒戰晟叱諸將曰安得縱賊今先斬公矣萬頃懼先登拔柵以入佖督騎繼之賊崩潰執其將段誠諫大兵分道進雷諜震地令言庭芝希倩等殊

死鬪晟令唐良臣等步騎奔突賊陣成輒北十餘遇皆不勝賊入白華賊伏千騎出官軍背晟以麾下百騎自馳之左右呼曰相公來賊驚潰禽馘畧盡泚率殘卒萬人西走田子奇追之餘黨悉降晟引軍屯含元外庭令軍中曰五日內不得輒通家問違者斬遣京兆尹李齊運部長安萬年令分慰居人秋毫無所擾坊人之遠者宿昔乃知王師之入也明日孟陟屯白華尙可孤屯望仙門駱元光屯章敬寺晟屯安國寺斬賊用事者及臣賊宦豎於市表著節不屈者擇文武攝台省官以俟乘輿露布至梁帝感泣來泚傳始張光晟以精兵壁九曲距東渭橋十里密約降于晟晟之入光晟勸泚等出奔故泚挾令言庭芝休子平表

遂西走光晟衛出之因詣晟降王伉傳秘晟之甥晟在師  
秘無不從攻朱泚于光泰門賊方銳似與李演鏖戰蹀血  
賊數北諸軍乘之遂大振渾瑊傳李晟破賊城與韓游瓌  
戴休顏以西軍收咸陽進屯延秋門戴休顏傳戴休顏遷  
奉天行營節度使合渾瑊兵破泚偏師追至中渭橋京師  
平又與瑊率兵趨岐陽邀泚殘党加檢校尚書右僕射李  
元諒傳李晟收京師次滻西元諒先奮鏖賊敗之進屯苑  
東晟使壞苑垣入泚連戰皆北遂大潰冊府元龜朱泚爲  
晟等所敗走涇州晟遣衙前將兼御史大夫張少烈上收  
京師露布至百僚稱賀帝覽之感泣百官皆出涕稱萬歲  
曰晟虔奉聖謀盪滌克惡古之樹勳力復都邑者有之至

西安府志卷五十一

十

於不驚宗廟不易市肆長安人不識旌旗安堵如初三代  
以來未之有也帝笑曰天生李晟爲社稷萬民不爲朕也

李晟傳晟遣大將吳詵以兵三千到寶鷄清道自請迎扈  
不許帝至自梁晟以戎服見三橋帝駐馬勞之晟再拜頓  
首賀克殄大盜廟朝安復已卽跪陳不能指曰破賊至乘  
輿再狩伏道左請死帝爲掩涕命給事中齊映起之使就  
位有詔賜第永崇里涇陽上田延平門之林園女樂一列

晟入第京兆供帳教坊鼓吹迎導詔將相送之帝紀其功  
自文於碑敕皇太子書立于東渭橋以示後世又令太子  
錄副以賜始晟屯渭橋也熒惑守歲久乃退府中皆賀曰  
熒惑退國家之利速用兵者昌晟曰天子暴露人臣當力

死勤難安知天道耶至是乃曰前士大夫勸晟出兵非敢  
距也且人可用而不可使之知也夫惟五緯盈縮不常晟  
懼復守歲則我兵不戰自屈矣皆曰非所及也通鑑七月  
壬午至長安渾瑊韓游瓌戴休顏以其衆扈從李晟駱元  
光尙可孤以其衆奉迎步騎十餘萬旌旗數十里晟謁見  
上于三橋上駐馬慰撫至宮每間日輒宴勳臣李晟爲首  
渾瑊次之諸將相又次之

按已上事並在興元元年

冊府元龜五月己酉京師地震

兵志改神策左右廂爲左右神策軍

按貞元三年復改殿前左右射生軍爲左右神威軍自

西梁府志卷五十一

十一

德宗幸梁還以神策兵有勞皆號興元元從奉天定難  
功臣恕死罪兵部乃不能歲比其籍京兆又不敢綜舉  
名實三輔人假庇於軍一牒至十數長安奸人多寓占  
兩軍身不宿衛以錢代行謂之納課戶吏稍禁之輒先  
得罪京尹赤令皆爲歛屈十年京兆尹楊於陵請置挾  
名勅五丁許二丁居軍餘差以條限由是少畏

通鑑關中倉庫竭禁軍或自脫巾呼於道曰拘吾于軍而  
不給糧吾罪人也會韓滉運米三萬斛至陝上喜至東宮  
謂太子曰米至陝吾父子得生矣時禁中不釀命于坊取  
酒爲樂至是麥始熟市有醉人當時以爲嘉瑞

舊書吐蕃傳吐蕃寇涇隴邠寧數道京師戒嚴上遣宦將

軍張獻甫與神策將李昇曇蘇清沔等屯于咸陽召節度駱元光率衆戍咸陽援之

按已上事並在貞元二年

冊府元龜四月韋士元等白晝挾弓操劍于萬年縣嘗樂坊盜縣吏捕之士元等突殺吏步相自延興門逸焉六月士元棄市居賊人幽王孫湛絞其黨盧寧梁劔等三人劫近城村廬射殺捕吏居人多棄業投城德宗發神策善弩騎與長安萬年縣官急捕之又射殺神策將及縣吏二十餘人居數日偷長梁劍中矢死南山下盧寧等二十人竟失所在

冊府元龜七月京兆府獻嘉禾

西京府志卷五十一

十一

五行志十一月丁丑京師地震

按已上事並在貞元三年

五行志正月庚戌朔京師地震德宗御含元殿受朝賀殿階及闌檻三十餘間自壞衛士死者十餘人辛亥壬子丁卯戊辰庚午癸酉甲戌乙亥皆震二月壬午甲申乙亥丙申三月甲寅乙未庚午辛未五月丙寅丁卯八月甲午甲辰皆震灊水暴溢殺百餘人

按事在貞元四年又九年四月辛丑十年四月戊申癸丑十三年七月乙未並地震

五行志五月己未暴風發太廟屋瓦毀門闕官署廬舍不

可勝紀

冊府元龜五月初增稅京兆青苗畝三錢以給掌閑驢驘  
按已上事並在貞元八年

冊府元龜九月癸卯幸魚藻宮

按事在貞元十二年

冊府元龜四月壬戌幸興慶宮龍堂求雨七月幸魚藻宮

按事在貞元十三年

兵志詔左右神策置統軍以崇親衛如六軍時邊兵衣餼  
多不贍而戍卒屯防藥茗蔬醬之給最厚諸將務爲詭辭  
請遙隸神策軍廩賜遂贏舊三倍由是塞上徃徃稱神策  
行營皆內統於中人其軍乃至十五萬

天文志五月壬戌朔日有食之在東井寸度

西家府志卷五十二

三

按事在貞元十七年

玉海甘露降于元和殿

按事在貞元十八年

五行志正月甲戌京師雨赤雪

按事在貞元二十一年

文獻通考京兆尹王播奏諸縣軍鎮放牧人等不得帶弓  
箭刀劔器仗從之

按事在元和六年

通鑑上悉以兵事委宰相武元衡李師道客曰天子所以  
銳意誅蔡者元衡贊之也請密徃刺之元衡死則他相不  
敢主其謀爭勸天子罷兵矣師道資給遣之至是元衡入

輒有賊自閭中射殺之取其羸骨而去又入通化坊擊度傷其首墜溝中度氈帽厚得不死京城大駭于是詔宰相出入加金吾騎士張弦露刃以衛之賊遺紙于金吾府縣曰毋急捕我先殺汝故捕賊者不敢過急而師道客竟潛匿亡去

天文志六月辛未歲星熒惑太白辰星合于東井

舊唐書憲宗紀十一月戊寅盜焚獻陵寢宮

按已上事並在元和十年

憲宗紀正月甲申盜斷建陵門戟

五行志二月丁丑京師地震

天文志五月丁卯歲星辰星合于東井八月乙酉復合

西府志卷五十一

十四

憲宗紀十一月甲戌元陵火

按已上事並在元和十一年

天文志六月朔日有食之在輿鬼一度

按事在元和十三年

穆宗紀九月辛丑觀競渡角觝於魚藻宮用樂十二月庚辰獵於城南壬子擊鞠于右神策軍遂獵于城西甲申獵于苑北通鑑上將幸華清宮宰相率兩省官詣延英門三上表切諫明日上自複道出城幸華清獨公主駙馬中尉兵千人扈從晡時還宮

按事在元和十五年

五行志穆宗卽位始朝羣臣于宣政殿地震

玉海七月壽昌殿柱生玉芝一莖六尺

按已上事並在長慶元年

冊府元龜十月己卯帝由複道出城狩於咸陽十一月癸酉幸華清宮遂狩於驪山

按事在長慶二年

舊書穆宗紀上由複道幸興慶宮至通化門賜持盂僧絹二百匹因幸五方賜從官金銀鈿有差

按事在長慶三年

舊書敬宗紀四月丙申賊張韶等百餘人至右銀臺門殺闈者揮兵大呼進至清思殿登御榻而食弓箭庫右神策軍兵馬使康藝全率兵入宮討平之是日上聞變急幸左

要府志卷五十一

五

軍綱目下者蘇佐明與染坊供人張韶善謂曰我爲子卜當升殿與我共食今主上晝夜毬獵多不在宮大事可圖也韶以爲然乃謀結染工無賴者百餘人匿兵於紫草車載以入有疑其重而詰之者韶急殺之斬闈而入先是右軍中尉梁守謙有寵每兩軍角伎上常佑右軍至上是上狼狽欲幸右軍以遠不能遂幸左軍左軍中尉馬存亮走出迎自負上入軍遣大將康藝全將騎卒入宮討賊上憂二太后隔絕存亮復以騎迎至軍韶升清思殿與佐明同食曰果如子言佐明驚曰事至此耶韶懼而走藝全兵至擊殺之餘黨悉獲上乃還宮盜所歷諸門監門宦者法當死

詔並杖之使仍舊職存亮不自矜委權求出監淮南軍

按事在長慶四年

敬宗紀五月庚戌觀競渡於魚藻宮

綱目初上欲幸驪山温湯左僕射李絳諫議大夫張仲方等屢諫不聽拾遺張權輿伏紫宸殿下叩頭諫曰昔周幽王幸驪山而爲犬戎所殺秦始皇幸驪山而國亡元宗宮驪山而祿山亂先帝幸驪山而享年不長帝曰驪山若此之凶耶我宜一往以驗彼言幸温湯還謂左右曰彼叩頭者之言安足信哉

按事在寶曆元年

冊府元龜三月戊寅幸魚藻宮觀競渡己卯賜魚藻宮從

官左右神策中尉諸司使翰林學士等錦綵銀器有差

聖府卷五十一

共

天文志八月熒惑鎮星合于東井輿鬼間

按已上事並在寶曆二年

白孔六帖丙昭德寺火延禁中野狐浴死者數百

按事在太和元年

五行志四月同官縣暴水漂沒二百餘家

按事在太和三年

天文志五月丙午歲星太白合于東井

按事在太和四年

五行志三月定陵臺大雨震廡下地裂二十有六步五月

己巳飛龍駒廡中火

按事在太和八年

五行志三月乙卯京師地震

舊書文宗紀二月丁亥發神策軍一千五百人修淘曲江如諸司要于曲江置亭館者宜給與閑地

李訓傳鄭注先顯訓籍以進及勢相埒賴寵爭功不兩立然方事未集乃出注使鎮鳳翔外爲助援內實猜克待逞且殺之擢所厚善分總兵柄于是王璠爲太原節度使郭行餘爲邠寧節度使羅立言權京兆尹韓約金吾將軍李孝本權御史中丞陰許璠行餘多募士及金吾臺府卒切以爲用十一月壬戌帝御紫宸殿約奏甘露降金吾左仗樹詔宰相羣臣往視訓奏言非甘露帝顧中尉仇士良魚志宏等驗之訓因欲閉止諸官人使無逸者時璠行餘列

兵丹鳳門外訓呼兩鎮軍入邠寧軍不至璠懼弗能前獨行餘拜殿下宦人至伏所約汗流不能舉首士良等怪之會風動廡幕見執兵者士良等驚走訓連呼金吾兵宦人曰急矣上當還內即扶輦決梁恩下殿趨訓攀輦曰陛下不可去士良手搏訓而躓立言孝本領衆四百東西來上殿與金吾士縱擊宦官死者數十人訓持輦愈急至宣政門宦人郝志榮搤訓仆之輦入宮舒元輿雖知謀不以告王涯曰上將開延英邪會士良遣神策衛士五百出所值輒殺涯等惶懼易服出殺諸司史六七百人復分兵屯諸宮門捕訓黨千餘人斬四方館流血成渠俄而元輿涯皆

爲兵所執涯實不知謀士良榜笞急乃自署反狀詔出衛

騎千餘馳咸陽奉天捕亡者大索都城明日京城剽劫未止訓奔鳳翔爲整屋將所執傳其首餘黨悉擒皆腰斬梟首以徇

按已上事並在太和九年

五行志二月乙亥京師地震

按事在開成元年又二年十一月乙丑四年十一月甲戌並地震

舊書文宗紀正月甲子宰臣李石遇盜於親仁里中劍斷其馬尾又中流矢不甚傷是時京城大恐捕盜不獲旣而知仇士良所爲乙丑常參官入朝者九人而已餘皆潛竄累日方安

按事在開成三年

天文志十二月歲星熒惑逆行失色合于東井

按事在開成四年

通鑑十二月癸酉上幸雲陽校獵

天文志四月太白歲星入輿鬼

按已上事並在開成五年

舊書武宗紀十月車駕幸校獵咸陽懿安郭太后傳武宗喜畋遊角武抃擇五坊小兒出入禁中他日問后起居從容請曰如何可爲盛天子后曰諫臣章疏宜審覽毋拒直言帝再拜還索諫章閱之徃徃道遊畋事自是畋幸稀小兒武忤等不復橫賜矣

按事在會昌元年

五行志十二月癸未京師地震

舊書武宗紀帝幸涇陽校獵白鹿原諫議大夫高少逸鄭  
助等于內閣論陛下校獵太頻出城稍遠萬機廢弛星出  
夜歸方今用兵且宜停止上優勞之諫官出謂宰相曰諫  
官甚要朕時聞其言庶幾改過

按事在會昌二年

唐武宗紀十月獵于鄠縣十二月獵于雲陽

按事在會昌四年

唐武宗紀六月甲申作望仙樓于神策軍

按事在會昌五年

夢府志卷五十二

十九

五行志十月貞陵隧道摧陷神策軍有浮屠像懿宗常跪  
禮之像沒地四尺

按事在咸通五年

舊書懿宗紀上幸安國寺賜講經僧沉香高座

按事在咸通十二年

白孔六帖王遣勅使迎佛骨於鳳翔乃以金銀爲刹珠玉  
爲帳孔鸞周飾之冊府元龜詔四月八日佛骨至京自開  
遠門達安福門迎禮之迎入內道場二日出于京城諸寺  
士女雲合威儀盛飾古無其比遂下制赦京畿及天下見  
禁囚徒劇談錄鳳翔佛骨至于輦下都城士庶奔走雲集  
自開遠門達于岐川車馬晝夜相屬飲饌盈溢路衢謂之

無得植施至京日上與諸王親御城樓坊市以繪綵結爲龍鳳象馬之形紙竹作僧佛鬼神之狀幡花幢蓋之屬羅列二十餘里間之歌舞管弦襍以禁軍兵仗緇徒梵誦之聲沸聒天地民間有嬉笑踴躍者有悲愴涕泣者以寶輿昇之居於內殿數月屬懿皇厭代密使送于鳳翔

按已上事並在咸通十四年

五行志僖宗卽位日有黑氣如盤自天屬含元殿庭

按事在乾符元年

五行志十二月京師地震

按事在乾符三年

五行志二月京師地震藍田山裂出水

按事在乾符六年

冊府元龜黃巢陷華州朝廷使田令孜率神策軍拒之賊自潼關谷路入遂寇京師時前夏州節度使諸葛爽亦統軍聞賊盛退保櫟陽及黃巢至乃降黃巢傳始博野鳳翔軍過渭橋見募軍服鮮煥怒曰是等何功遽然至是更爲賊鄉導前賊焚西市帝類郊祈哀傳言賊至百官奔令孜以神策兵五百奉帝趨咸陽惟福穆潭壽四王與妃御一二從中人西門匡範統右軍以殿巢以尙讓爲平唐大將軍金吾將軍張直方與羣臣迎賊灞上巢陷京師入自春明門升太極殿官女數千迎拜稱黃王巢喜曰殆天意歟數日因大掠縛篋居人索財號洵物捕得官吏悉斬之火

屬舍不可賞宗室侯王屠之無類綱目巢入宮自稱六齋  
皇帝改元金統唐官三品以上悉停四品以下如故巢將  
礪山朱温屯東渭橋温少孤貧與兄存昱依蕭縣劉崇家  
崇數笞辱之崇母獨憐之戒家人曰朱三非常人汝曹善  
遇之豆盧瑑崔沆于琮劉鄴匿民間巢搜獲皆殺之廣德  
公主曰我唐室之女誓與于僕射俱死賊皆殺之將作監  
鄭綦庫部郎中鄭係義不降賊舉家自殺張直方多納亡  
命匿公卿于複壁巢殺之

王處存傳王處存累遷義武節度使黃巢陷京師處存號  
哭不俟詔分麾下兵問道圭山南衛乘輿

按已上事並在廣明元年

西宴府志卷五十一

三

冊府元龜帝在興元詔太原節度使鄭從讜發本道之師  
與北面行營招討使諸葛爽代州刺史北面行營馬步都  
虞侯朱玫夏州將李思恭等行營諸軍並赴京師討賊

黃巢傳詔涇原節度使程宗楚爲諸軍行營副都統前朔

方節度使唐宏夫爲行營司馬數擊賊宏夫進屯渭北王

重榮屯沙苑王處存次渭橋李孝昌拓拔思恭壁武功宏

夫拔咸陽棧渭水破尚讓軍乘勝入京師巢竊出至石井

宗楚入自延秋門宏夫傳城舍都人共謀曰王師至處存

遣銳卒五千以白帟自誌夜入殺賊都人傳言巢已走邪

涇軍爭入京師諸軍亦解甲休競掠貨財子女市少年亦

冒作髻肆爲剽巢伏野使覘城中弛備遣孟楷率賊數百

掩邠涇軍都人猶謂王師謹迎之時軍士得珍賄不勝載  
聞賊至負重不能走賊執宏夫害之處存走營始王璠破  
奉天引衆數千隨宏夫諸將敗獨一軍戰尤力巢復入京  
師怒民迎王師縱擊殺八萬人血流于路可涉也謂之洗  
城諸軍退保武功

通鑑邠寧節度副使朱玫屯興平黃巢將王璠圍興平玫  
退屯奉天及龍尾坡西川黃頭軍使李鋌將萬人鞏咸將  
五千人屯興平爲二寨與黃巢戰屢捷陳敬瑄遣神機營  
使高仁厚將二千人益之白孔六帖李鋌鞏咸軍屯興平  
數敗巢賊號蜀兵爲鴉兒每戰輒戒曰毋與鴉兒鬪

通鑑黃巢之陷長安也忠武節度使周岌降之嘗夜宴召

忠武監軍楊復光言及本朝復光泣下良久曰公自匹夫  
爲公侯奈何捨十八葉天子而臣賊乎岌亦流涕曰吾不  
能獨拒賊故貌奉而心圖之今日召公正爲此耳因瀝酒  
爲盟命復光將兵三千詣蔡州說秦宗權同舉兵討賊宗  
權遣其將王淑將兵三千從復光淑逗留不進復光斬之  
併其軍分忠武八千人爲八都遣牙將王建韓建等八人  
將之帥八都與朱温戰敗之克鄧州逐北至藍橋八月復  
光屯武功

按已上事並在中和元年

綱目王鐸將兩川興元之軍屯靈感寺

按一統志寺在富平縣治西

原屯京西易定河中屯渭北邠寧鳳翔屯興平保定大定難

渭橋中武屯武功官軍四集巢勢日蹙號令所行不出  
向華通鑑黃巢攻興平興平軍退屯奉天

按事在中和二年

後唐莊宗紀李克用以步騎萬七千赴京師進屯乾陀巢  
黨驚曰鴟兒軍至矣二月敗巢將黃鄴于石隄谷三月又  
敗趙章尚讓于梁田陂橫尸三十里

通鑑克用與忠武將龐從河中將白志遷等引兵先進與  
黃巢軍戰于渭南一日三捷義成義武等諸軍繼之賊衆  
大奔克用等入京師巢焚宮室遁去多遺珍寶于路官軍  
爭取之不急追賊遂逸詔克用同平章事克用時年二十  
八于諸將最少破黃巢復長安功第一冊府元龜克修武  
皇從父弟武皇入關討黃巢克修爲先鋒破黃揆于華陰  
敗尚讓于梁田陂戰黃巢於光順門每戰皆捷

按已上事並在中和三年

綱目初宦者曹知愨有膽畧黃巢陷長安知愨集壯士據  
嵯峨山數遣人變服夜入長安攻賊營賊驚疑不自安朝  
廷聞之就除內常侍田令孜惡之矯詔使邠寧節度使王  
行瑜襲殺之令孜由是益驕橫

按事在中和四年

通鑑三月丁卯車駕至京師荆棘滿城狐兔縱橫上凄然  
不樂已巳大赦改元時朝廷號令所在惟河西山南劍南  
嶺南數十州而已

舊書僖宗紀十二月癸酉珠玑等軍爲沙陀所敗神策軍潰散入京師肆掠乙亥沙陀逼京師田令孜奉僖宗出幸鳳翔黃巢據京師九衢三內宮室宛然及諸道兵破賊爭貨相攻縱火禁剽宮室居市間里十焚六七賊平之後令京兆尹王徽經年補葺僅復安堵至是亂兵復焚宮闕蕭條鞠爲茂草矣

按已上事並在光啓元年

蕭邁傳上至興元朱玫怒田令孜專權又以天子不諒其忠乃訴於邁曰昨奉指蹤徑來奔問不蒙見信翻類脇君吾等報國之心極矣安能垂頭疊翼喘喘于闕寺之手哉相公徐思改圖可也邁曰足下乃心王室止有歸兵還鎮拜表迎鑾功名德業益光圖史改圖之言未敢聞命玫退而宣言曰我冊個王子爲主不從者斬及立襄王請邁爲冊文邁不措筆命鄭昌圖爲之

通鑑長安百官太子太師裴璩等勸進於襄王煊十月煊卽皇帝位改元建貞遙尊上爲太上元皇聖帝

舊書僖宗紀九月楊復恭密遣人說王行瑜令謀歸國十月行瑜受密詔自鳳州率衆還長安辛酉行瑜斬朱玫鄭昌圖奉襄王奔河中王重榮給稱奉迎執李煊斬之采攻傳王行瑜敗于大唐峯懼歸且見殺又聞購能得攻者以邠寧節度畀之行瑜謂其下曰今敗歸必以無功死若斬攻與北軍迎天子取富貴可乎衆曰諾卽勒真倍道趨

長安玫瑰居孔緯第方據几署事聞兵入趨召行瑜叱曰公擅歸反邪行瑜厲聲曰我非反者將得君首爲邠寧節度耳玫瑰遽起左右斬之殺其徒數百諸軍大亂燒京師時盛寒吏民被剝斂僵死尸相籍傳首興元

按已上事並在光啓二年

楊復恭傳罷復恭兵出爲鳳翔監軍不肯行因丐致仕詔可遷上將軍賜几杖使者還遣殺於道遁居商山俄入居昭化坊第第近玉山營而子守信爲軍使數省候出入或告父子且謀亂時李順節遙領鎮海軍節度使詔與神策軍使李守節率衛兵攻復恭殺使者罪帝御延喜樓須之家人拒戰守信亦率兵至昌化里陣以待會日入復恭與

西要府志卷五十一

三

守信舉族奔興元舊書劉崇望傳玉山都頭楊守信稱兵闕下上陳兵于延喜門夜命崇望守度支庫明日曉入舍光門未開禁軍列于左右俟門開卽劫掠及門啓崇望駐馬諭曰聖上在街東親總戎事公等禁軍何不樓前殺賊立取功名不可剽掠圖小利以取惡名也將士嗷唯從崇望至長樂門守信見兵來遁去軍士呼萬歲

楊復恭傳順節已斥復恭則橫暴出入以兵從兩軍中尉劉景宣西門重遂察其意非常以狀聞有詔召順節輒以甲士三百人入至銀臺門景宣引順節坐殿廡部將嗣光審出斬之從者大譟出延喜門剽永寧里盡夕止

按已上事並在大順二年

李茂貞傳茂貞自請鎮興元欲兼得鳳翔上表自諷曰但慮軍情忽變戎馬難羈徒令旬服生靈因茲受弊未審乘輿播越自此何之昭宗以茂貞表辭不遜以問宰相杜讓能讓能謂茂貞地大兵強鳳翔又近京師易以自危難于後悔昭宗怒責讓能治兵而以覃王嗣周爲京西招討使令下京師市人皆知不可相與聚承天門遮宰相請無舉兵宰相下輿走亡其堂印人情大恐綱目上命讓能留中書計畫調度月餘不歸崔昭緯陰結邠岐爲之耳目讓能朝發一言二鎮夕必知之茂貞使其黨糾合市人數百千人邀西門君遂馬及崔昭緯鄭延昌肩輿訴之二相曰茲事主上專委杜太尉吾曹不預知市人因亂投瓦石二相

走匿僅免上命捕其唱帥者誅之用兵之意益堅

兵志以藩臣跋扈議以宗室典禁兵乃用嗣覃王允爲京西招討使神策諸都指揮使李鐵副之悉發五十四軍屯興平

舊書昭宗紀九月乙亥覃王率扈駕五十四軍進攻岐陽

屯于興平李茂貞以兵逆戰屯於盤屋壬午岐兵進迫興平王師自李茂貞垂勝逼京師進屯三橋甲申昭宗御安

福門斬觀軍容使西門重遂內樞密使李周潼遣中使賜

茂貞詔令收兵歸鎮茂貞陳兵臨臯驛按通鑑注驛在長安城西數宰

臣杜讓能之罪請誅之制貶讓能爲雷州司戶十月賜讓

能自盡杜讓能傳岐兵至三橋讓能奏曰臣固預言之矣

請歸罪于臣可以紓國難上涕下曰與卿訣矣是日貶讓能尋賜死冊府元龜十月讓能自盡于臨臯驛復以茂貞領兩道

按已上事並在景福二年

兵志詔諸王閱親軍收拾神策亡散得數萬益置安聖捧宸保寧安化軍曰殿後四軍嗣覃王允與嗣延王戒丕將之

兵志韓建畏諸王有兵請皆歸十六宅留殿後兵三十人爲控鶴排馬官隸飛龍坊餘悉散之於是四軍二萬餘人皆罷及帝還長安左右神策軍復稍置之以六千人爲定已而悉誅宦官神策軍由此廢崔引奏六軍名存兵亡非所以壯京師軍皆置步軍四將騎軍一將步將皆兵二百五十人騎將皆百人總六千六百人番上如故事乃令六軍諸衛副使京兆尹鄭元規立格募兵於市而朱全忠陰以汴人應之

按已上事並在乾寧元年

綱目王行瑜求爲尚書令韋昭度奏太宗以尚書令登大位自是不以授人行瑜怨朝廷幾內有八鎮兵隸左右軍邠陽鎮近華州韓建求之良原鎮近邠州王行瑜求之宦官曰此天子禁軍何可得也行瑜使其弟同州刺史行約攻河中而自與茂貞建各將精騎數千入朝市人竄匿上御安福門待之三帥盛陳甲兵拜伏舞蹈上詰之曰卿輩

不奏請輒稱兵入京城其志欲何謂乎與之宴三帥奏稱  
韋昭度討西川失策李谿作相不合衆心請誅之上未之  
許行瑜等輒殺樞密使康尙弼等數人李克用聞三鎮犯  
闕卽日發北部兵渡河入關始三帥謀廢上立吉王保及  
閻克用起兵行瑜茂貞各留兵二千人宿衛京師與建皆  
還本鎮

綱目李克用大舉蕃漢兵南下上表稱王行瑜李茂貞韓  
建稱兵犯闕賊害大臣請討之又移檄三鎮數其罪行瑜  
等大懼右軍指揮使李繼鵬茂貞假子也謀劫上幸鳳翔  
中尉劉景宣與行瑜弟左軍指揮行實知之欲劫上幸邢  
州向晚王行約引左軍攻右軍鼓譟震地上聞亂登承天

樓捧日都頭李筠將本軍于樓前侍衛繼鵬以鳳翔兵攻  
筠矢拂御衣繼鵬復縱火焚宮門時有鹽州六都兵屯京  
師素爲兩軍所憚上急召入衛兩軍退走上幸李筠營護  
蹕都頭李居實帥衆繼至或傳行瑜茂貞欲自來迎駕上  
懼爲所迫以筠居實兩都兵自衛幸石門鎮克用問起居  
移兵營渭橋遣其將李存貞爲前鋒又遣史儼將三千騎  
詣石門侍衛遣存信存審會保大節度使李思孝攻王行  
瑜黎園寨

按九域志寨在京北雲陽縣

擒其將王令陶等獻于行在李

茂貞懼斬李繼鵬傳首行在上表請罪且遣使求和於克  
用上復遣延王戒丕諭克用令且赦茂貞併力討行瑜

舊書昭宗紀克用遣子存貞奉表請車駕還宮詔答曰朕

欲取今七月二十四日却復都城冀寧兆庶倚我動德有若長城速伸剪盪之謀以慰黔黎之望癸巳又令延王傳詔令克用發騎軍三千赴三橋屯駐以備迴鑾辛亥車駕還宮

按已上事並在乾寧二年

綱目初李克用屯渭北李茂貞韓建憚之事朝廷禮甚恭克用去二鎮貢獻漸疎表章驕慢上自石門還置殿後四軍使延王戒丕等將之茂貞表言延王無故稱兵討臣臣今勒兵入朝請罪遂引兵逼京幾覃王嗣周與戰敗績戒丕請幸太原韓建請幸華州上旣至富平召建面議建言藩臣跋扈非止茂貞陛下若遠巡邊鄙臣恐無復還朝華州兵力雖微亦足自固願臨之以圖興復上至華州茂貞入長安燔燒殆盡

按事在乾寧三年

要府志卷五十一

五

舊書昭宗紀時委崔引以政引恃全忠之助稍抑宦官而帝自華還宮後頗以禽酒肆志喜怒不常自宋道弼等得罪黃門尤懼至是上獵苑中醉殺黃門侍女數人庚寅日及辰已內門不開劉季述詣中書謂宰相崔引曰宮中必有不測人臣安得坐觀以禁兵千人破關而入問訊中人具知其故出與宰臣謀曰主上所爲如此非社稷之主也廢昏立明具有故事國家大故非逆亂也卽名百官署狀季述仲先與汴州奏官程巖等十三人請對乾季述上

次左右將士齊唱萬歲聲遂突入宣化門行至思政殿便行殺戮徑至乞巧樓下帝遽見兵士驚墮牀下起而將去季述仲先掖而令坐何皇后出拜曰軍容長官護官家勿至驚恐有事取容商量季述出百官合同狀曰陛下倦臨寶位中外羣情願太子監國請陛下頤養東宮何皇后曰聖人依他軍容語於御前取國寶付季述卽時帝與皇后共一輦並常所侍從十餘內人赴東宮季述手自扇鎖院門日於憲中通食器是日迎太子監國矯宣昭宗命稱上皇昭宗紀左右神策軍中尉劉季述王仲先樞密使王彥範薛齊偓作亂皇帝居於少陽院季述以皇太子裕爲皇帝

按事在光化三年

西華府志卷五十二

三

綱目神策指揮使孫德昭自季述等廢立憤惋不平崔引遣判官石晉說曰今反者獨季述仲先爾公誠能誅此二人迎上皇復位則富貴窮一時忠義流千古苟狐疑不決則功落他人手矣德昭曰相公有命不敢愛死遂結右軍都將董彥弼周承誨謀以除夜伏兵安福門外以俟正旦仲先入朝德昭擒斬之馳詣少陽院叩門呼曰逆賊已誅請陛下出勞將士何后不信曰果爾以其首來德昭獻其首上乃與后毀扉而出崔引迎上御長樂門樓率百官稱賀周承誨擒劉季述王彥範繼至方詰責已爲亂梃所斃薛齊偓赴井死出而斬之滅四人之族並誅其黨二十餘

人上曰裕幼弱非其罪黜爲德王賜德昭姓名李繼昭承  
誨姓名李繼誨彥弼亦賜姓皆以使相留宿衛賞賜傾府  
庫時謂之三使相上寵待引益厚冊府元龜李愚唐末隨  
計之長安劉季述廢立愚痛憤求見華帥韓建曰明公地  
處要衢位兼將相自宮圍變故已涉旬時若不號令率先  
以圖反正一朝山東侯伯唱義連衡鼓行而西明公求欲  
自安如何決策不如馳檄四方喻以順逆軍聲一振則元  
兇破膽而淡旬之間二豎之首傳於天下計無便於此者  
建深禮遇之堅辭還山墅建草檄欲布於諸鎮事未集而  
崔中書殺二兇昭宗反正

綱目韓全誨聞朱全忠將至令李繼麟李彥弼等勒兵劫

上請幸鳳翔是日開延英全誨等待側李繼筠遣兵掠內  
庫寶貨法物全誨遣人密送諸王宮人先之鳳翔上遣中  
使召百官皆辭不至全誨陳兵殿前言于上曰全忠欲劫  
天子幸洛陽求傳禪臣等請奉陛下幸鳳翔收兵拒之上  
不許拔劍登乞巧樓全誨等逼上下樓李彥弼卽于御院  
縱火上不得已與后妃諸王百餘人上馬慟哭而出冊府  
元龜十月戊戌梁太祖奉密詔赴長安是時軍國大政專  
委宰相崔引每事裁抑宦官官側目崔一日於便殿奏  
欲盡去之全誨等於昭宗前訴之昭宗罷崔知政事崔怒  
名帝以兵入輔故有是行辛亥行次零口癸丑聞長安亂

昭宗西幸鳳翔蓋避帝之兵鋒也翼曰遂命旋師昭宗紀

全忠還軍駐赤水崔引令戶部侍郎王溥至促以兵迎駕  
戊午全忠自赤水趨長安庚申汴軍趨鳳翔

通鑑全忠遣朱友寧攻盤屋不下全忠自往督戰蓋屋降  
屠之令崔引率百官及京城居民遷於華州

按已上事並在天復元年

通鑑正月朱全忠屯三原編遺錄二月戊寅上以久駐三  
原乃議東歸遂取高陵櫟陽左馮翊入于蒲津

綱目朱全忠遣幕僚司馬鄴奉表入城復遣使請與茂貞  
連和修宮闕迎車駕

按已上事並在天復二年

舊書昭宗紀正月甲子車駕出鳳翔幸全忠軍丁卯次興

平宰臣崔引率百官迎謁韓全誨傳全忠以蔣元暉入衛  
二日茂貞獨見至日盱全誨恨甚自見勢去計無所用帝  
名韓偓執手涕泗曰今先去四大惡餘以次誅矣於是內  
養八輩候廷中授命每二輩以衛士十人取一首俄而全  
誨等皆死是夜誅韋處廷等二十二人悉以首納布囊詔  
送全忠曰是皆不肯使乘輿東者既斬之矣全忠徧告軍  
中茂貞復誅小使李繼襲等十人于是開壘門全忠猶攻  
北壘帝遣宮人寵顏賜御巾箱寶器使罷兵又捕殺中官  
七十人全忠亦使京兆誅黨與百餘人天子入全忠軍全  
忠素服待罪詔釋全忠罪使朝服見全忠伏地泣曰老臣  
位將相勤王無狀使陛下及此臣之罪也帝命韓偓起之

名之食帝顧衛兵有憤發者因履係解目全忠爲吾繫之  
全忠跪結履汗浹于背左右莫敢動五代史梁太祖紀天  
子出幸梁軍遣使馳詔崔引引託疾不至王使人戲引曰  
吾未識天子懼其非是子來爲我辨之天子還至興平引  
率百官奉迎王自爲天子執轡且泣且行行十餘里止之  
見者咸以爲忠

五代史梁太祖紀正月己巳天子至自鳳翔素服哭于太  
廟而後入殺宦者七百餘人綱目車駕入長安崔引奏以  
宦官典兵預政傾危國家不剪其根禍終不已上從之全  
忠遂以兵驅第五可範已下數百人盡殺之出使外方者  
詔所在誅之止留黃衣幼弱者三十人以備洒掃其兩軍

西安府志卷五十一

重

八鎮兵悉屬六軍以引兼判六軍十二衛事

綱目朱全忠克邠州執靜難節度使楊崇本妻于河中私  
焉崇本怒使謂茂貞曰唐室將滅父恐坐視之乎遂相與  
連兵侵逼京畿復姓名李繼徽全忠恐其復有劫遷之謀  
乃發兵屯河中

按已上事並在天復三年

舊書昭宗紀正月己酉全忠屯河中遣牙將寇彥卿奉表  
請車駕遷都洛陽全忠令長安居人按籍遷居徹屋木自  
渭浮河而下連薨號哭月餘不息丁巳車駕發京師北夢  
瑣言汴人擁兵殺宰相崔引京兆尹鄭元規劫遷車駕移  
都東洛入華州百姓呼萬歲帝泣曰百姓勿唱萬歲朕勿

能與爾等爲主也。沿路有思帝鄉之詞。寇彥卿傳太祖遣彥卿奉表請遷都。昭宗顧瞻陵廟，徬徨不忍去行。至華州遣人告以何皇后有娠，願待冬而行。太祖怒，遣彥卿即日殛昭宗。上道。

綱目：上遣間使以御札告難於王建，建遣王宗祐將兵會鳳翔兵至興平，過泔兵不得進而還。

按已上事並在天祐元年。

冊府元龜：十月辛巳，邠州楊崇本以鳳翔、邠、寧、涇、鄜、秦隴之衆合五六萬來寇，屯于美原，列十五寨，其勢甚盛。帝命同州節度使劉知俊都將康懷英帥師禦之，知俊等大破之。

西安府志卷五十一

三

按事在天祐二年。

冊府元龜：六月，李茂貞、楊崇本會王建師五萬攻長安，汴將同州刺史劉知俊、西京尹王重師以兵逆戰于漢谷，邠岐不戰而退。

按事在天祐五年。

